

《佛說無量壽經》 補充講表

◎附表二十：

○神智洞達，威力自在，能於掌中，持一切世界。

※《維摩結經》不思議品第六云：「又舍利弗！住不可思議解脫菩薩，斷取三千大千世界，

如陶家輪著右掌中，擲過恒河沙世界之外，其中眾生不覺不知己之所往。又復還置本處，都不使人有往來想，而此世界本相如故。」

○七寶諸樹，周滿世界，金樹、銀樹、琉璃樹、玻璃樹、珊瑚樹、瑪瑙樹、磈磈之樹。

※《觀經四帖疏》卷第三：「此明彌陀淨國，廣闊無邊，寶樹寶林，豈以七行為量也？今

言七重者，或有一樹，黃金為根，紫金為莖，白銀為枝，瑪瑙為條，珊瑚為葉，白玉為華，真珠為果。如是七重，互為根、莖，乃至華、果等，七七四十九重也。或有一寶為一樹者，或

二三四，乃至百千萬億不可說寶為一樹者。此義《彌陀經》義中已廣論竟，故名七重也。言行者：彼國林樹雖多，行行整直而無雜亂。……此明諸寶林樹，皆從彌陀無漏心中流出。由佛心是無漏故，其樹亦是無漏也。一一樹，高三十二萬里；亦無老死者，亦無小生者，亦無初生漸長者。起即同時頓起，量數等齊，何意然者？彼界位是無漏無生之界，豈有生死漸長之義也！」

※《佛說觀無量壽佛經》云：「此諸寶樹，行行相當，葉葉相次。於眾葉間，生諸妙華，

華上自然有七寶果。一一樹葉，縱廣正等二十五由旬。其葉千色，有百種畫，如天瓔珞。有眾妙華，作閻浮檀金色，如旋火輪，宛轉葉間，涌生諸果，如帝釋瓶，有大光明，化成幢幡、無量寶蓋。是寶蓋中，映現三千大千世界，一切佛事；十方佛國，亦於中現。」